





古 392  
867.2  
=5



6  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44



錢志新編卷十三



張宗欽校輯

五十四改元紹興


位之初總攝國


不悍昭之石至

之勿因風雨作

格東...

是...





錢志新編卷十二


雲間張宗懿麗瀛校輯

宋

光宗名惇孝宗之子在位五年壽五十四改元紹熙起  
庚戌終甲寅按帝幼有令聞及即位之初總權綱屏  
嬖倖薄賦緩刑有可觀者柰制於悍妬之后至失孝  
養擅殺貴妃而不能以大義廢之忽因風雨作而心  
怖壇燭滅而疾增遂不視朝機務悉歸宮闈甚至父  
疾不問安父崩不成服惟婦言是用動輒稱疾不孝



之罪孰有甚於此者

紹熙錢食貨志曰紹熙二年減斬春同安二監歲鑄錢各十萬緡按篆文錢自紹熙而止以後惟用楷書背文自元字至五字有銅鐵二種



甯宗名擴光宗之子在位三十年壽五十七改元凡四  
 慶元六嘉泰四開禧三嘉定十七起乙卯終甲申按  
 帝召用宿儒引拔善類其政卓然中以韓侂胄內蓄  
 羣奸指正為偽尚書由竇侍郎大喙大諫與松壽同  
 名外挑強鄰流毒海內未幾史彌遠起而韓即見殛  
 鹵首求成國體虧矣及彌遠擅政楊后竊柄帝惟拱  
 默不能自強噫可惜矣



慶元錢食貨志曰慶元三年復神泉監以所括銅器  
 鑄當三大錢隸工部製特精妙幕有元字至六字





慶元大錢此錢較當三大而厚未識當幾錢也光幕




慶元小平鐵錢背文有春二同三等字製甚精緻




嘉泰錢此錢背文自元字至三字止當三錢則光幕




嘉泰大錢此錢較當三厚而大與慶元同光幕




開禧錢食貨志曰嘉泰三年罷舒斬鼓鑄開禧三年復之背文元字至三字止





開禧鐵錢背文有漢二漢三等字




嘉定錢食貨志曰嘉定元年即利州鑄當五大錢制司欲盡收舊又於紹興息民二監鑄三十萬貫其料並同當三錢與折二小平錢並行背文自元字至十七二字止當五乃光幕






嘉定鐵錢有回文者背有漢三春三春八等字



嘉定折十錢製極精整背文有折十二字諸譜間有未載蓋此錢傳世絕少不可多得耳




理宗名昀初名貴誠甯宗嗣子太祖十世孫燕王德昭之後榮王希堦之子在位四十年壽六十一改元凡八寶慶三紹定六端平三嘉熙四淳祐十二寶祐六開慶一景定五起乙酉終甲子按甯宗初育貴和為子更名竑時彌遠專政竑嘗書曰彌遠當決配八千



里彌遠聞之懼及甯宗崩乃矯詔立的為帝廢竝為  
 濟王帝享國與仁宗同惟其中年嗜欲既多怠於政  
 事權移奸邪故致治有異耳然初即位能黜王安石  
 而尊濂洛表章周程張朱不變士習使後世知理學  
 足以復古帝王之治帝之功不為少焉廟號曰理固  
 其宜也


大宋錢食貨志曰寶慶元年新錢以大宋元寶為文  
 按背文自元字至三字止又鐵錢背文有漢元春二  
 春三等字又有仍以寶慶元寶為文者絕少

紹定錢此錢背自元字至六字止




端平錢食貨志曰端平元年錢用膽銅所鑄故不耐  
 久而舊錢之精緻者泄於海舶雖嚴入海之禁不復

能止背文自元字至三字止當五錢乃光幕文曰通寶又大鍊端平背有利折十三字蓋即當十錢也





嘉熙錢食貨志曰嘉熙元年鑄新錢當二小平以通

寶為文當五以重寶為文小平當二背文自元字至四字止當五則光幕



淳祐錢小平折二背文自元字至十二二字止又當百大錢以通寶為文背有當百二字按本紀曰淳祐

九年三月以程元鳳為江淮等路都大提點坑冶鑄錢公事蓋是時所鑄有二品小者只當制錢三文






皇宋錢食貨志曰寶祐元年新錢以皇宋元寶為文其錢背文元字至六字止





開慶錢本紀曰開慶元年五月乙丑行開慶通寶錢

背文有元字





景定錢續文獻通攷曰景定元年九月新錢以景定元寶為文背文自元字至五字止



度宗名禛理宗無子以母弟與芮之子為嗣在位十年壽五十三改元咸淳起乙丑終甲戌按帝即位以來

荒於酒色政委權臣以致賈似道竊位專權蒙蔽誤國使將士離心自襄陽之陷而宋之大勢去矣當是時承平日久民不習戰郡縣之兵望風而潰元兵南渡如蹈無人之境宋祚三百餘年敗壞裂良可惜也咸淳錢背文自元字至十字止



按度宗後尚有三帝皆度宗之子恭帝一年改元德

祐元人劫之北去降封為瀛國公端宗二年改元景  
 炎末主二年改元祥興元兵入崖州丞相陸秀夫負  
 帝投海而死宋亡皆未聞鑄錢而方回古今考載有  
 德祐元寶錢今未之見又曰自慶元始至咸淳凡八  
 十一年所鑄新錢並入內藏未嘗行用民間無此一  
 文內藏積至一千二百萬貫

銅銖牌長三寸許闊一寸又有長二寸許大小不同  
 各照其值一面曰臨安府行用一面曰準伍百文省  
 或參百文省額有小竅貫以致遠蓋宋季國窮為一

時變通之物云省者乃當時以七十文為百謂之省  
 錢銅牌為支錢之券故著省字

○臨安府行用

○臨安府行用

○準伍百文省


○準參百文省

附劉豫

按豫字彥游阜城人今河間府阜城縣宋濟南太守叛降於

金建炎四年九月金人立豫為齊帝據都大名府僭

元阜昌後徙汴京盡有梁衛之地為金人侵寇宋境大為邊患紹興七年岳少保用反間計使金廢豫為蜀王至紹興十六年乃死鑄有阜昌錢二種重寶者楷文元寶者字仿開元體大小與宋錢太宗甯同



錢志新編卷十三


雲間張崇懿麗瀛校輯

遼

太祖阿保機者一名億姓耶律氏五代之際契丹最盛或曰與庫莫奚同類或曰鮮卑遺種居潢水之南黃龍之北梁貞明二年遂稱帝改元凡二神冊六天贊四其地東至海西至流沙北絕大漠信威南里大度寬仁有人君之度傳太宗世宗穆宗景宗聖宗興宗道宗天祚帝凡九主共二百十年起梁貞明二年丙

子終宋宣和七年乙巳金滅之太祖八世孫德宗耶律大石遂稱帝於起兒漫是為西遼傳感天后仁宗承天后出帝為乃蠻所滅西遼亡凡五主計七十七年起宣和七年乙巳終宋嘉泰元年辛酉

天贊錢遼史曰遼以先代土產多銅始造錢幣國遂富強太宗置五治太師以總四方錢幣洪氏泉志曰此錢重三銖六參徑九分文曰天贊通寶




穆宗名述律更名璟太宗德光之子在位十八年改元應歷起辛亥終巳巳耽酒嗜殺國人怨之每酣飲自夜至旦書則常卧謂之睡王為庖人所弑鑄有應歷



錢




景宗名賢世宗阮次子在位十四年改元凡二保甯十乾亨四起巳巳終壬午嘗嬰風疾國事皆決於后蕭氏任耶律休哥為於越休哥智略宏遠料敵如神遼史曰景宗以舊錢不足於用更鑄乾亨新錢



聖宗名隆緒景宗之子在位四十八年改元凡三統和  
 二十九開泰九太平十起癸未終庚午能舉才察貧  
 吏抑侈奢開貢舉且能親御甲冑復燕雲功業不亦  
 偉哉董道曰宋太平興國八年隆緒鑄統和元寶錢  
 宋天禧五年復鑄太平元寶錢









興宗名宗真聖宗之子在位二十四年改元凡二景福  
 一重熙二十三起辛未終甲午素性佻達不理國事  
 嘗變服入酒肆寺觀遊蕩無度聖宗之業衰焉洪氏  
 泉志曰重熙通寶錢徑九分重三銖




道宗名洪基興宗之子在位四十六年改元凡五清甯  
 十咸雍十大康十大安十壽昌六起乙未終庚辰遼  
 史曰道宗尊信浮屠一歲而飯僧三十六萬一日而




祝髮三千徒勤小惠葭計大本寵任奸邪殺妻滅子  
 國本益衰洪志曰清甯通寶錢徑九分重三銖董氏  
 錢譜曰咸雍通寶錢宋治平二年洪基鑄泉志曰太  
 康錢有二品並徑八分重二銖四參大安錢徑八分  
 重二銖八參壽昌錢徑九分重二銖四參



天祚帝名延禧道宗之孫在位二十五年改元凡三乾  
 統十天慶十保大五起辛巳終巳巳性亦淫逸廢政  
 事疎忠良以致為金所滅洪氏泉志曰乾統元寶錢  
 徑一寸重三銖二參天慶元寶錢徑九分重二銖四  
 參



感天錢洪氏泉志曰感天元寶錢有大小二品字畫  
適勁或曰西遼感天后蕭氏所鑄其文回讀





金


太祖阿骨打者 完顏氏女直部人居古肅慎地北魏  
時號勿吉隋時為靺鞨唐初有黑水粟末兩部後粟  
末盛強旋滅黑水宋熙寧七年遼以烏古迺為女直  
部節度使卒子劾里鉢嗣立基業始大有二子長烏  
雅束次即阿骨打宋政和五年遂稱帝國號曰金卒  
謚太祖傳弟太宗復傳兄之孫熙宗海陵王世宗章  
宗衛紹王宣宗哀宗末主凡十主計一百二十年  
起宋徽宗政和五年乙未終理宗端平元年甲午元滅


之金史食貨志曰金初用遼宋舊錢天會以後雖劉  
豫之阜昌錢亦用之

廢帝名亮弒其主亶而自立凡十三年改元凡三天德  
四貞元三正隆五起已巳終庚辰亮大逆無道欲南  
侵則親弒其母以過羣臣之諫更淫亂暴虐翦戮宗  
人而納其妻女叔祖母阿懶及從姊妹什古等皆有  
夫而亮與之私後南侵之兵大敗於采石為亂兵所  
殺食貨志曰正隆三年二月中都置錢監二曰寶源  
寶豐京兆置監曰利用其文曰正隆元寶




世宗名雍初名烏祿亮之從兄弟在位二十九年改元  
大定起辛巳終己酉大度寬仁雅重文學省刑恤民  
與宋和好各保境土為金室賢主有小堯舜之稱金  
史曰大定十八年代州立監鑄錢命張大節麻珪監  
鑄其文曰大定通寶背有甲酉等字精好過於正隆






章宗名璟世宗之孫在位十九年改元凡三明昌六承  
 安五泰和八起庚戌終戊辰柔懦無能元妃握柄國  
 政日衰去太祖太宗之業遠矣續通鑑綱目曰宋甯  
 宗慶元四年金造承安寶貨其文楷書製極精美錢  
 之大小輕重似宋之當五錢又食貨志曰泰和五年  
 鑄泰和重寶篆文大錢以一當十按此錢字文峻整  
 製極精美為諸錢之冠較宋代當十錢微小而薄徑

二寸重自四錢一分至五錢五分有對文者對文倒  
 置者重輪者背有聚寶盆及梅花者小平楷書通寶






夏


景宗名元昊姓拓跋氏裔出黨項羌唐太宗時來歸入居銀夏至拓跋思恭以破黃巢功拜夏州節度使賜姓李氏傳至李繼遷宋以為銀州觀察使賜姓趙名保吉自後叛服不常中流矢死追號太祖子德明宋仁宗封為夏王卒追號太宗子即元昊始稱帝盡有河北諸州東至河西至玉門南臨蕭關北控大漠延袤萬里國號為夏在位十五年改元凡二廣運四天授延祚十一傳毅宗惠宗崇宗仁宗桓宗襄宗

神宗獻宗末主凡十主計一百九十年起宗仁宗寶  
 元元年戊寅終宋理宗寶慶三年丁亥元太祖滅之  
 泉寶錄曰天授通寶錢景宗鑄





崇宗名乾順惠宗之子在位五十三年改元凡八天儀  
 治平四天佑民安八永安三貞觀十三雍甯五元德  
 七正德八大德五起丁卯終己未雖非無道然柔懦  
 無能請婚於遼稱藩於金國事日以侵衰至後不復


振焉泉寶錄載有大德元寶錢又元德錢余有之



仁宗名仁孝崇宗之子在位五十四年改元凡四大慶  
 四人慶五天盛二十二乾祐二十三起庚午終癸丑  
 崇儒重道始建學校於中國尊孔子為文宣帝然信  
 任奸臣得敬遂竊國柄陰蓄異志誣殺宗親大臣皆  
 不能禁後雖設計誅之而國政益衰焉所鑄有天盛  
 乾祐二品錢乾祐錢鐵者居多



桓宗名純佑仁宗之子在位十二年改元天慶起甲寅  
終乙丑雖無失德然政令不行寵任從兄安全卒為  
其所廢尋殂所鑄有天慶錢




襄宗名安全崇宗之孫廢其主純佑而自立凡五年改  
元二應天四皇建一起丙寅終庚午篡立未幾蒙古

兵入靈州安全恒懼無計即請和納女至國祚阨危  
焉所鑄有皇建元寶錢



神宗名遵頊襄宗之子在位十二年改元光定起辛未  
終壬午國勢危亡自救不暇乃不度德量力與金構  
兵且請宋會師伐金致蒙古乘虛圍興州遂出奔西  
涼旋傳國於子德旺凡三年改元乾定以憂悸卒是  
為獻宗再傳姪南平王昉又二年為元太祖所擄夏

亡按續筆乘曰古帝王以科第出身者惟吳大帝權曾舉孝廉而夏神宗則以狀元及第更為稀有今世所傳有光定元寶錢乃其當時所鑄



錢志新編卷十四

雲間張崇懿麗瀛校輯

元

太祖姓奇握温名鐵木真蒙古人居女真之北在唐為蒙兀部亦號蒙骨斯其先有孛端义兒者居烏桓北至也速該始盛大速該生鐵木真滅乃蠻部益以富強始稱帝是為太祖傳太宗約宋滅金再傳定宗憲宗世祖始滅宋混一區宇傳成宗武宗仁宗英宗泰定帝明宗文宗懿宗順帝凡一十四主共一百六十




二年自世祖十七年滅宋混一至順帝凡十主實上八十八年入正史起庚辰終丁未明太祖滅之

世祖名忽必烈憲宗之弟在位三十五年壽八十改元凡二中統四至元三十一起宋理宗景定元年庚申終至元甲午建都順天按帝雖為開基之主然智愚參半立國以來殺生靈幾千萬億信桑門貶孔子五奸並用四帥齊興假非天意攸歸何能混一寰宇也哉

至元錢今世傳至元通寶錢形製與至正錢相同恐


是順帝後至元時所鑄未敢臆斷故即載此



成宗名鐵木耳世祖之孫在位十三年改元凡二元貞

二大德十一壽四十二起乙未終丁未按帝甫即位除兩都之稅罷安南之兵清隱佔之田急鷓賑之法其政卓然可觀柰末歲寢疾沈諛諂之詞牽帷廝之制海嶠小夷日事窮討以至赤子跼危寇氛四起惜哉


大德錢今世所傳有大德通寶錢然當時史亦失載




武宗名海山成宗之姪故太子真金之孫答剌麻八剌之子在位四年改元至大起戊申終辛亥壽三十一按帝以次當立遠在北邊乃先迎仁宗於懷州權攝國事及帝即位上都即以仁宗為嗣初納阿沙不花直諫立拜右相可謂容受直言矣柰封爵太盛賜賚太隆宦官而加司徒伶官而授平章尊信西僧至粹

毆留守拉妃墮車皆釋不問反降旨曰毆西僧者斷手詈者截舌其愚蔽甚矣

至大錢元史食貨志曰至大二年初行錢法曰至大通寶者一文準鈔一釐曰大元通寶者一文準至大錢十文葉子奇草木子曰元初止行鈔法而不鑄錢獨至大官裏行至大二等錢當五以蒙古字小錢則以楷書






仁宗名愛育黎拔力八達武宗之弟撫以為子在位九年改元凡二皇慶二延祐七起壬子終庚申壽三十六按帝克納嘉言尊儒重士不事畋遊不好征伐奉

太后以孝待宗戚以禮大臣故舊時加恩賚有司奏大辟必慘怛移時孜孜圖治一遵成憲典章文物號稱至盛焉然武宗有子不立而傳弟


皇慶錢按此錢文曰皇慶通寶食貨志失載



英宗名碩德八剌仁宗之子在位三年改元至治起辛酉終癸亥壽二十一按帝初立即能卻寶帶罷張鐙

用拜住為相減天下租賦十分之三海內翕然望治  
 獨惑於輪迴敕寫金字藏經怒諫造佛寺殺觀音保  
 幸灌頂寺受戒賜金巨萬以御史領衛軍獨信任鐵  
 失以致南坡之變首領不保惜哉

至治錢陸氏續泉志曰英宗至治通寶錢重一錢肉  
 好字畫精妍而遍體色澤美艷為未易得之品



文宗名圖帖睦爾武宗次子初封懷王在位五年改元

至順起戊辰終壬申壽二十九按帝以攝位布告中

外迎兄明宗於漠北比入見明宗忽暴崩燕帖木兒

聞哭聲即奔入帳中取寶璽扶文宗上馬南馳復襲

位詔養燕帖木兒子為子賜第及貲產其讓兄蓋矯

情也後順帝以其謀為不軌命撤其廟主殆不誣矣

然臨終不傳己子而傳兄之子是為窩宗未幾天折

又傳順帝攘其位而仍歸其子是又何為者

至順錢按此錢文曰至順元寶字畫秀勁較至大等

錢畧小食貨志亦失載



順帝名妥懽貼睦爾明宗養子

書傳所載以為宋恭帝之子

在位三

十六年改元凡三元統二至元六至正二十七壽五

十一起癸酉終丁未明太祖北定中原帝出奔應昌

又二年殂太祖以其能順天命追謚曰順按甯宗崩

燕帖木兒請立文宗之子燕帖古思太后曰吾子尚

幼妥懽貼睦爾年十三矣當立乃遣使迎之當時流

言為非明宗所生又太史言其立則天下亂故至京

久不得立居停半歲乃始即位帝雖敏慧然優柔寡

斷庸懦無能委政權奸志耽逸樂雖有巉巉脫脫備

位經筵而朝綱蝟亂國勢瓦解龍鳳天完東吳西漢

分居土地置若罔聞猶且造龍舟製宮漏行運氣術

作天魔舞奇技巧思日夜不休不以國本為重致上


天降異雨血雨毛雨日相盪而天鼓復鳴李生黃瓜

而童謠先作石人出而羣雄四起黃河清而真人聿


興內而孛羅外而擴廓搆兵不已遂致國亡諺云必

有妖孽此其驗矣

至正小平錢元史曰至正十一年詔鑄至正錢按此錢背文有蒙古篆文司及司一等字




至正折二錢此錢背文有司字百及司二等字




至正當三錢此錢背文有司字百字司字司三等字

有闊邊狹邊二種






至正當十錢此錢皆以白銅為之字畫古拙製作不甚精工背文有司字司字下有十字及司字下橫列壹兩重三字者



至正權鈔錢按元世祖頒行中統鈔錢鈔也又頒至元鈔以一當中統之五即至正時改為折二者此以



鈔權鈔也武宗至大中行銀鈔仁宗初罷廢不行至是脫脫為相新行至正銀鈔即所謂交鈔今元代大錢有闊且厚者面文為至正之寶背文穿上一吉字左權鈔二字右勒銀兩如貳錢貳錢伍分三錢伍錢之類蓋權鈔者權至正銀鈔也夫鈔所權銀錢本非虛器乃始而以鈔權鈔既而以錢權鈔以之賞給則上誑其下以之輸納則下誑其上紛紜顛倒而民無措其手足矣考其後所鑄諸錢亦卒不行又值海內大亂京師百姓持鈔十錠求斗米且不可得民間皆

以貨交易交鈔盈積為無用之物蓋錢塞鈔廢而國  
 隨以亡又按自唐以來錢之鉅者至宋甯宗之嘉定  
 折十宋理宗之淳祐當百為極矣而順帝之權鈔錢  
 其大更倍之







又陸南軒續泉志所圖一品云歲試至崑山見一大  
 錢文曰至正之寶背文在穿上有豎二字曰權鈔並  
 二字曰五錢體質魁偉字畫古樸歎為觀止奈索值  
 過昂僅摹其樣歸以寄私懷其錢重四兩







又西番篆小平錢或曰至正通寶或曰至元通寶









1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33

Centimetres

# Kodak Color Control Patches

© Kodak, 2007 TM: Kodak

Blue

Cyan

Green

Yellow

Red

Magenta

White

3/Color

Black

